


www.BibleForChildren.org

मत्ती 26




ईशु फसह छे छव
दाहाइन पेहल बैतनिया
मा आयो लाज़र हतु,
जीनाक ईशु मरलाम रईन
जीवाल्लु हतु। तव मरियम
जटामासीन आदो छेर मोहंगलो इत्र
लिन एक बायर संगमरमर क होय
गया। ईशुन पायो पर नाख्या,
आरू आपसा जोठा रईन ओको
पाये ओगव; आरू हेको आपनो घर सुगंधित
होय गयो, पुन ओको चेला मा रईन यहूदा
इस्करियोती नावन एक चेलो जु ओका सी धरावने पर हतु,
कयनो लाग्यु, “या इत्र तीन सौ सोनान सिक्का बेचीन गरीब
काजे क नी आपी दिदा?”



तव यहूदा इस्करियोती जो बारा चेला मा रयन एक हुता, डाहला
पुजारा क साथे गया की ईशु क ओको हात धरीन देय।
वो यो सोमवीन खुश हुयो; आरू ओको पोशा
आपने वायदो कन्यो; आरू वो मेखे हेरने
लाग्या की ओको काही
प्रकार धरीन देय।



ईशु जोसु वेला क आदेश देदु, आरू चेला फसह तियार करिया। “जव त्या रोट्टा खाय रिया हुता, तो ईशु रोट्टा लीदो, आरू बरकत मांगीन तुडियो, आरू चेला क देखीन कयो, नन लेवु खावो; यो म्हारो डील छे।” पछु ईशु वाटको लीन धन्यवाद करीयो, आरू चेला क आपीन कयो, तुमू सब इना मा सी पीयो, काहकि यी वाचा म्हार त्यो लुहूय छे, जो बैस लोगहन क पापोन माफी क करता उहावडियो जाय।



“शमौन, हे शमौन! सुन, शैतान ने तुमू सब क पारखने क करता मांग लेदा छे कि बुरे मा छे वारू क अलग करता छे जोसो किसान गवे क भुसो मा छे अलग करता छे, पुन हाव थारे करता प्रार्थना करीयो की थारो विश्वास कम नी हुये; आरू जव तु पछो आवे, ती थारा विश्वासी भाईस क पाका करजी।” पतरस ओका सी कयो, “हे पोरबु, हाव तारे साथे जेल जाने, आरू मरना क भी तीयार छे।”


ईशु पतरस सी कयो, “हे पतरस, हाव तुखे छे कयता छे कि आज कुकड़ा वाषने नी तव तक तु तीन बार मारो मना नी कर लीस कि तु मखे नी जानता।”



तव ईशु आपसा चेला क साथ
गतसमनी मा आयो आरू
आपसा चेला सी कयनो लाग
गियो “कदाम यात बठी
रहवजो, जव तक हाव वा
जाईन प्रार्थना करो।” आरू कयो,
“हे बाप, मखे छे सब काय होय
सकता छे; इनीये वाटका क मारे
साथे छे हटाय लेय: तव जोसो हाव
जुवता छे वोसो नी, पर जो तु जुवता
छे चो होय।”



तव यहूदा, सैनिकन एक टुकड़ी काजे आरू प्रधान पुजारो आरू
फरीसियोन तरफ रईन प्यादा काजे लीन, दिवा आरू मशाल आरू
हथियारे लेता चाँ आया। आरू उनमा छे एक डाहला
पुजारा क दास पर तलवार चालाड्या ओको
डावु कांटो तुड़ देदो। इनीये पर ईशु कयो,
“हिमी बस करा।” आरू ओको
कांटो छूकर ओको वारू कन्या।




पछु वो ईशु क धरीन ली चाल्या आरु महा पुजारा क घर मा लाया।
पतरस दुर ही दुर ओका पछो चालता हुता। आरु जव वो आंगना मा
आगठो धपाडीन एखठा बठ्या, तो पतरस भी ओको विच
मा बठ्या गया।




पुजारा सेवक मा एक, हेरेन
परिवार माहयलु हतु जीनान
कान पतरस काट देदु हतु,
कयो, “काय हाव तुखे हेरेन
साथे वाडी मा नी देख्या
हता?” पतरस पछो नाकार कर
देदु, आरू चटकरीन कुकडा
वाषने लाग्यो। आरू वो बाहरता
नीकवीन खुप रोड्या।




तव सब सभा उठीन ईशु क पिलातुस क साथे
ली गयी। पिलातुस ने ओका सी पुछ्या, “काय तु
यहूदि यो क राजा छे?” त्यो उको जवाब दिया,
“तु आप आपसुत् कय रया छे।” पर पिलातुस ने
ईशु क छुडने की मरजी छे मानसे क पछु
समझाया, पुन त्या लगातर
आयडी कयो, “उको कुरुस पर
चढाय! कुरुस पर चढाय!”




तव त्यो ओका हात मा सोंप दिदा कि त्यो
कुरूस पर चढायो जाय। तव त्या ईशु क
ली गया। आरू त्यो आपसो कुरूस
हाकलीन तीना धरती पर तक बाहर
गयो, जो खोपड़ी न जागो कवाये आरू
इब्रानी मा “गुलगुता।”



चाहे त्या हेके आरू हेका सात मा दूय मानुस क
कुरुस पर चढाया, एका क इना धोड मा आरू
एका क उना धड मा, आरू ईशु क वीच मा।



आरू सुन्या क विजावो जाता रया, आरू मंदिर क परदो वीच मा छे फाट गया, आरू ईशु मोटा ओवाज छे आयड़ी कयो, “हे बास हाव आपसी आत्मा तारे हात मा सौपता छे।” आरू यो धरती मर गया।



अरिमतियाह क रयनेवावा यूसुफ आयो, जो
महासभा क सदस्य हुता आरू आप भी
यहोवा-भगवान क राज्य की वाट
जोहता हुता। वो हियाव करीन
पिलातुस क साथे गया आरू
ईशु क धोड़ मांग्या। तव
त्यो सुवावी की एक चादर
मूले लीन, आरू धड़ क
उतारीन उना चादरमा
लेपटीन,

आरू एक झपला मा जो
चट्टान मा खुदीन गयी हूती
राख्या, आरू मोळवट्याम
क दरवाज पर एक दगड़
ढाक दीया।



दिसरे दाहड़े जो तियारीन दाहड़ा क बाद क
दाहड़ हुतो, डाहला पुजारा आरू फरीसिया
पिलातुस क पास एखटा हुयन
कयो। “ए मालिक, हामुक
फोम छे, कि त्यो भटकाड़ने
वालो जीवतो हुतो तव
कयलो हुतो, कि हाव
तीन दाहड़ा क बाद
जीव उठीस।”



“अळते त्यो राखवाळीया क साथ ली गया,
आरू दगडा पर छापू लगाडीन
बीडान राखवाली करिया।”




सब्तन दाहाडा क बाद सप्ताह पेहला दाहडाम
भौळभाका मा मरियम मगदलीनी आरू
दिसरी मरियम बीडा देखने
आवी। तव एक मोटोत् भुकंप
हुयो, काहकि यहोवा-भगवान
क एक सोरगदूत सी
उतरीयो, आरू एको
पास मा आवीन दगडा
क ढोवळी दियो,


आरू उका पर बठी
गियो। ओको बीक सी
राखवाळीया बीहने
लाग गिया, आरू
मरलो जीवतो
हुय गियो।




सोरगदूत बायरान क कयो। “मा बीहयो हाव
जानो कि तुमू ईशु नासरत क, जो कुरूस
पर चढाया गया हुता, हेरती होय।
त्यो या नी हय, बाकुन जीवतो हूय
गियो; आयो, यो जागु देखो,
जा परबु क राखला हुता।”



आरू छाटी ची बायर खुशमा मोळवट्याम पर
सी पछी जाईन ईशुन चेलान क खबर देदी।
तव, ईशु चेलान क मेळीयो आरू कयो;
“सुखी रहवो” आरू चेला ईशु क पास
मा आवीन उका पाय क
धरीन उको वंद्या।





पछव ईशु उन ज्यारे क भी, जव वो रोटा खाने बठ्या हुता देखाय दीया, आरू उन लोगहन क विनभुरसा आरू मन की वातड़ो हुयने पर उलाहना दीया, काहकि जिन्होने ओको जीव उठने क बाद ओको देख्या हुता, या उनकी भुरसो नी करी हुती। पोरबु ईशु ओका सी वात करने क बाद सोरग पर उठाय लेदो गयो, आरू यहोवा-भगवान की जेवड़े; तरफ बठ् गयो।



काहकि यहोवा-भगवान जगत साथे ओसलो
मोंग राखे कि उका आपनो एकखुळीयो पोच्य
आप दिदो, ताकि उका पर जु कुन विश्वास करे
त्यो नष्ट नी हुयो, पुन अमरकाय
जीवन जडसे।



रोमियो 3:23 एरकरीन कि सब पाप करला छे आरू यहोवा-भगवानन महिमा छे,

रोमियो 6:23 काहकि पापन दाहाड़की ते मृत्यु छे, पुन यहोवा-भगवानन वरदान हामरा पोरबु मसीह ईशु मा अमरकाय जीवन छे।

इब्रानियों 9:27 आरू जोसो मानुस क करता एक बार मरना आरू अतरान करीन बाद न्याय क हुयने नियुक्त छे।

इफिसियो 2:8,9 काहकि विश्वास न लारे दया सी तुमरो छुटकारो होयलों छे, आरू यो तुमरे तरफ रयन नीहि, पर यहोवा भगवान क दान छे; आरू नी कामो क कारण, ओसो नी हुयो कि कोय डाहळाय करे

रोमियो 10:9,10 कि यदि तु आपना मुय रईन ईशु क पोरबु जानीन अंगीकर करे आरू आपने मन रईन विश्वास करे, कि यहोवा-भगवान उको मरलाम रईन जीवाड़े, ते तुखे नक्कि उधदार जुड़से। विश्वास करने से आपनु यहोवा-भगवान क साथे सही संबंध मा आवता छे, ते विश्वास करने से खुद मुय करीन कोतारलीन छुटकारो जुड़तो छे।



यहुन्ना 3:16,17 “काहकि यहोवा-भगवान जगत साथे ओसलो मोंग राखे
कि उका आपनो एकखुळीयो पोन्च आप दिदो, ताकि उका पर जु कुन
विश्वास करे त्यो नष्ट नी हुयो, पुन अमरकाय जीवन जड़से।
यहोवा-भगवान आपसा पोन्चा काजे इनान करता नी मोकल्यु कि जगत पर
दण्डन हुकुम दे, पुन इनान करता कि जगत ओको व्दारा उध्दार जड़से।

1 यहुन्ना 5:11-13 आरू वो गवा यो छे कि यहोवा-भगवान ने हामु
अमरकाय जीवन आप्य छे, आरू यो जीवन ओका पोन्चा मा छे।
ओका साथे पोन्च छे, ओका साथे जीवन छे; आरू ओका साथे
यहोवा-भगवान क पोन्च नी, ओका साथे जीवन भी नी छे।
हाव ने तुमू जो यहोवा-भगवान क पोन्चा क नाव पर विश्वास करता होय,
एरकरीन लिख्या छे कि तुमू जानु कि अमरकाय जीवन तुमरो छे।



मत्ती 26-28; लूका 22-24; यहुन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Dhankavi Bible (dhn) © The Word for the World International
and Dhankavi Mandli, Khargon, Raykhed, Nandurbar,
Maharashtra 2025

<https://www.bible.com/en-GB/bible/4055/MAT.1.DII25>

©2026 Bible for Children, Inc.

www.M1914.org

www.bibleforchildren.org

